

RESOLUCIÓN REITORAL DO 14 DE MARZO DE 2017 POLA QUE SE CONVOCAN AS AXUDAS PARA ELABORAR OS TRABALLOS DE INVESTIGACIÓN EN LINGUA GALEGA

A Universidade de Vigo ten como un dos seus obxectivos a promoción da lingua galega nas actividades de formación e de investigación, tal como se recolle nos seus estatutos e no Plan de política lingüística. Tendo en conta este obxectivo de incentivar o uso da lingua galega e tendo moi presente a demanda existente na nosa universidade de axudas para este tipo de actividades, faise pública esta convocatoria de axudas para a redacción e defensa en lingua galega de teses de doutoramento, teses de licenciatura, traballos de investigación tutelados de terceiro ciclo, traballos de fin de mestrado, traballos de fin de grao e proxectos fin de carreira.

Esta reitoría:

En virtude das facultades que lle outorgan a Lei orgánica 6/2001, do 21 de decembro modificada pola Lei 4/2007 do 12 de abril, de universidades e o artigo 58 do Decreto 7/2010, do 14 de xaneiro, polo que se aprobaron os Estatutos desta universidade, e de acordo coa resolución do 7 de maio de 2014 de delegación de competencias.

RESOLVE:

1. Anunciar a convocatoria de axudas á investigación en lingua galega para o estudantado da Universidade de Vigo
2. Ordenar a publicación da devandita convocatoria nos taboleiros de anuncios dos rexistros xeral e auxiliares da Universidade de Vigo.
3. Os fondos destinados a pagamentos destas bolsas corresponderán á aplicación orzamentaria 2017 0000 421SNLI 482.99 (Normalización Lingüística).

Universidade de Vigo -
Rexistro Xeral

Saída Nº 201700004493
14/03/2017 10:32:05

4. As solicitudes para participar na presente convocatoria axustaranse ao modelo que figura no anexo e estarán dispoñibles en calquera dos rexistros e no seguinte enderezo web: <http://anl.uvigo.es/>. O prazo de solicitude rematará ás 14.00 horas do 31/08/2017.

Esta convocatoria realízase ao abeiro do convenio de colaboración vixente entre a Consellería de Cultura, Educación e Ordenación Universitaria da Xunta de Galicia e a Universidade de Vigo para a promoción da lingua galega, de acordo coas seguintes bases.

Contra esta resolución, que esgota a vía administrativa, poderase interpoñer un recurso perante a xurisdición contencioso-administrativa, no prazo de dous meses contados dende o día seguinte ao da súa publicación (ou dende o día seguinte de recibir esta notificación), de conformidade co disposto na Lei 29/1998, do 13 de xullo, reguladora da xurisdición contencioso-administrativa.

As persoas interesadas poderán optar por interpoñer contra esta resolución un recurso de reposición, no prazo dun mes contado a partir do día seguinte ao da súa publicación (ou dende o día seguinte de recibir esta notificación), perante o mesmo órgano que a ditou. Neste caso non se poderá interpoñer un recurso contencioso-administrativo ata que sexa resolto expresamente ou se producise a desestimación presunta do recurso de reposición interposto, segundo o previsto no artigo 123.2 da Lei 39/2015, do 1 de outubro, do procedemento administrativo común das administracións públicas.

O reitor




Salustiano Mato de la Iglesia

Dilixencia para facer constar que esta resolución se publica con esta data nos rexistros desta universidade.

Vigo, 14 de marzo de 2017

A secretaria do reitor



Carmen Estévez Caamaño

BASES

1. PERSOAS DESTINATARIAS

Pode acceder a estas axudas o alumnado da Universidade de Vigo matriculado que realice a redacción e defensa da tese de doutoramento, da tese de licenciatura, do traballo de investigación tutelado de terceiro ciclo, do traballo de fin de mestrado, do traballo de fin de grao ou do proxecto de fin de carreira en lingua galega ata o 31 de agosto de 2017. Tamén se inclúen nesta convocatoria os traballos presentados nos meses de outubro, novembro e decembro de 2016 e que non foron incluídos na Resolución do 11 de marzo de 2016.

A pesar do que se comentou no parágrafo anterior, quedan excluídas desta convocatoria as solicitudes de estudantes de Filoloxía Galega e Tradución e Interpretación (Lingua A: Galego), dada a natureza dos seus estudos e o seu compromiso lingüístico.

2. OBRIGAS

A tese de doutoramento, a de licenciatura, o traballo de investigación tutelado de terceiro ciclo, o traballo de fin de mestrado, o traballo de fin de grao ou do proxecto de fin de carreira estarán presentados e defendidos como data máxima o 31 de agosto 2017. Ademais estarán redactados integramente en lingua galega, de acordo coa normativa ortográfica e morfolóxica actual.

3. OBXECTO

As persoas que realicen os seus traballos en lingua galega poderán obter unha subvención para os gastos de elaboración como o fotocopiado e a encadernación.

4. CONTÍA DAS AXUDAS

A contía das axudas distribuirase do seguinte xeito, ata un máximo de:

- 600 euros para as teses de doutoramento.
- 150 euros para as teses de licenciatura e os traballos de investigación tutelados de terceiro ciclo.

- 100 euros para os traballos de fin de mestrado, traballos de fin de grao e proxectos de fin de carreira

Durante a vixencia desta convocatoria cada persoa só poderá recibir a axuda por un dos conceptos que nela se recollen.

O importe global do conxunto das axudas será de 14000 euros para este ano con cargo á aplicación orzamentaria 2017 0000 421SNLI 482.99 de Normalización Lingüística.

5. SOLICITUDES, CONCESIÓN E PAGAMENTO DAS AXUDAS

O prazo de presentación remata o 31 de agosto de 2017 e irán dirixidas ao reitor segundo o modelo de solicitude que se acompaña no anexo I.

As solicitudes presentaranse en calquera dos rexistros da Universidade de Vigo sempre con posterioridade á lectura e defensa do traballo (tese de licenciatura, traballo de investigación tutelado de terceiro ciclo, traballo/proxecto de fin de carreira, traballo de fin de mestrado, e traballos de fin de grao) e virán acompañadas da documentación que figura no devandito anexo I xunto cunha copia impresa ou electrónica do traballo (programa ou aplicación estándar).

A concesión da axuda farase unha vez que se comprobou que a persoa solicitante reúne os requisitos esixidos. Se con posterioridade se comprobase a inexactitude ou falsidade da documentación e dos datos declarados, producirase a revogación automática da axuda e a reclamación das cantidades indebidamente percibidas.

A resolución farase nun prazo máximo dun mes desde o remate do prazo de presentación de solicitudes, e comunicarse a través da publicación da resolución nos taboleiros de información da Universidade de Vigo e da páxina web da Área de Normalización Lingüística

O pagamento realizarase mediante unha transferencia bancaria á conta indicada no xustificante da conta bancaria (asinado e selado) achegado coa solicitude.

6. ASESORAMENTO PARA A REDACCIÓN

Para todas as persoas interesadas en redactaren e defenderen a tese de doutoramento, a tese de licenciatura, o traballo de investigación tutelado de terceiro ciclo, o traballo/proxecto de fin de carreira ou o traballo de fin de mestrado en lingua galega, a Universidade de Vigo, por medio da Área de Normalización Lingüística, ofrece apoio lingüístico e informativo que se concreta nas seguintes actividades: Servizo de consulta lingüística e terminolóxica dos traballos.

MODELO DE SOLICITUDE (anexo I)

Primeiro apelido		Segundo apelido	
Nome		NIF	
Enderezo			
Concello		Provincia	Código postal
Teléfono/s de contacto		Correo electrónico	

Expoño:

Que con data _____ realicei e defendín en lingua galega o traballo seguinte (marque cun *x* a casa correspondente):

☐	Tese de doutoramento	☐	Traballo de fin de grao
☐	Tese de licenciatura	☐	Proxecto de fin de carreira
☐	Traballo de fin de mestrado	☐	Traballo de investigación tutelado

Co título de:

En:

Escola/Facultade
Departamento

Solicito:

Que se me conceda a axuda establecida na convocatoria e que se ingrese na conta bancaria que figura no anexo II.

Para estes efectos achego os seguintes documentos (marque cun *x* a casa correspondente):

☐	Certificación académica dos estudos de terceiro ciclo (teses de doutoramento e TIT)
☐	Declaración do/a director/a do traballo en que se fai constar que a súa defensa se fixo en lingua galega
☐	Copia impresa ou electrónica do traballo (programa ou aplicación estándar)
☐	Xustificante da conta bancaria selado ou da banca electrónica
☐	Copia do DNI

Declaro, baixo a miña responsabilidade, que todos os datos que figuran neste formulario son certos e que acompaño os documentos sinalados.

_____, ____ de _____ de _____

(sinatura)

SR. REITOR

DECLARACIÓN

Don/dona....., docente do
Departamento de da
Facultade/Escola como
director/a/titor/a do traballo de investigación de don/dona
.....

FAGO CONSTAR:

Que don/dona, con NIF
....., redactou e defendeu, integramente en galego, o día .../.../... o
traballo titulado¹

Para que conste, para os efectos oportunos, asino este certificado.

Vigo/Ourense/Pontevedra, de de 20....

(Sinatura)

¹ Especifique o tipo de traballo (tese de doutoramento, tese de licenciatura, traballo de investigación tutelado, traballo de fin de mestrado, traballo de fin de grao ou proxecto fin de carreira).